

Na osnovu člana 16. stav (2) Okvirnog Zakona o visokom obrazovanju ("Sl. Glasnik BiH", broj: 59/07), člana 59. stav (1) tačka (d) Zakona o visokom obrazovanju ("Sl. Novine TK", broj: 8/08, 11/09 i 12/09) i člana 282. Statuta Univerziteta u Tuzli, a u vezi sa članom 4. stav (2) Zakona o priznavanju inostranih obrazovnih isprava („Sl. Novine TK“ broj: 11/11), Senat Univerziteta u Tuzli na sjednici održanoj 12.12.2012. godine donio je

PRAVILNIK
o izmjenama i dopunama Pravilnika o načinu i postupku priznavanja inostranih
visokoškolskih kvalifikacija na Univerzitetu u Tuzli

Član 1.

U Pravilniku o načinu i postupku priznavanja inostranih visokoškolskih kvalifikacija na Univerzitetu u Tuzli broj: 03-4450-4.3/11 od 13.06.2011. godine u članu 3. tačka b) iza riječi: „akreditovana“ dodaju se riječi: „odnosno priznata“.

Član 2.

U članu 4. stav (3) u tački h) iza riječi „priznavanja“ dodaju se riječi „i administrativne takse“.
U istom stavu iza tačke e) dodaje se nova tačka koja glasi:

„Obrazovnu ispravu o stečenom obrazovanju u BiH prije obrazovanja u inostranstvu, ukoliko se lice prethodno obrazovalo u BiH“.

U istom stavu tačka f) mijenja se i glasi:

„Izvod iz matične knjige rođenih“.

U istom članu stav (4) mijenja se i glasi:

„Uz zahtjev za akademsko priznavanje inostrane kvalifikacije podnosilac prilaže i kopiju prijave na konkurs za upis na drugi, odnosno treći ciklus studija na Univerzitetu“.

Dosadašnje tačke f), g) i h) postaju tačkama g), h) i i).

Član 3.

Iza člana 4. dodaje se novi član koji glasi:

„Član 4-a“

„Izuzetno, licu kome je visokoškolska ustanova izdala uvjerenje o završenom ciklusu studija, može se uvjetno provesti postupak akademskog priznavanja inostrane obrazovne isprave uz obavezu podnosioca da uz zahtjev priloži i potvrdu visokoškolske ustanove da još nije izdala diplomu.

Podnosilac zahtjeva je dužan Uredu dostaviti diplomu, na način utvrđen tačkama a) i b) prethodnog člana, u roku od 30 dana računajući od dana izdavanja diplome.

U slučaju da podnosilac zahtjeva ne postupi na način utvrđen u prethodnim stavovima, odluka o uslovnom priznavanju će se staviti van snage, te dostaviti fakultetu na kojem je podnosilac zahtjeva uslovno upisan na studij.

Član 4.

U članu 5. iza stava (1) dodaje se novi stav (2) koji glasi:

„Osim troškova utvrđenih članom 4. stav (3) tačka i) Pravilnika, podnosilac zahtjeva snosi i troškove provjere vjerodostojnosti inostrane obrazovne isprave ukoliko visokoškolska ustanova koja je ispravu izdala to zahtijeva“.

Član 5.

Iza člana 5. dodaje se novi član koji glasi:

„Član 5-a“

„Ukoliko se postupak priznavanja inostrane obrazovne isprave ne okonča prije početka akademske godine u kojoj se realizuje naredni ciklus studija, Ured podnosiocu zahtjeva izdaje potvrdu kao dokaz da je postupak priznavanja u toku.“

Član 6.

U članu 7. stav (2) mijenja se i glasi:

„Tri člana komisije iz reda nastavnika matičnog fakulteta, imenuje naučno-nastavno vijeće Fakulteta/ADU najkasnije u roku od 15 dana od dana dostavljanja zahtjeva i dokumentacije od strane Ureda.“

Član 7.

U članu 9. iza riječi „dodatnih ispita“ dodaju se riječi „izrade završnog rada ili drugih obaveza koje predstavljaju bitnu razliku.“

U istom članu iza stava 1. dodaju se novi stavovi (2) i (3) i glase:

„Rješenjem Rektora, na prijedlog komisije će se utvrditi i način i rokovi polaganja/izvršavanja dodatnih obaveza podnosioca zahtjeva“.

„U slučaju da Komisija u postupku priznavanja kao bitnu razliku utvrdi da je prethodno okončani studij podnosioca zahtjeva značajno kraći od odgovarajućeg studijskog programa na Univerzitetu, može zahtjev za priznavanje obrazovne isprave odbiti uz obrazloženje“.

Član 8.

U članu 10. iza stava (1) dodaje se novi stav (2) koji glasi:

„Pod bitnim razlikama, u smislu alineja 6. i 7. ovog člana podrazumijeva se nepodudarnost nastavnih planova, u procentu većem od 20 %“.

Član 9.

Član 11. mijenja se i glasi:

„O povedenom postupku priznavanja Komisija sačinjava zapisnik.“

Zapisnik sadrži sve činjenice relevantne za utvrđivanje prijedloga, a naročito one na kojima se zasniva izvršeno vrjednovanje stečene inostrane obrazovne isprave sa odgovarajućom kvalifikacijom koja se stiče na Univerzitetu.

Ukoliko se predlaže djelimično ili uslovno priznavanje ili odbijanje priznavanja, komisija je dužna obrazložiti razloge za donošenje takve odluke .

Ured izrađuje prijedlog Rješenja i dostavlja ga Rektor Univerziteta“.

Član 10.

Član 12. mijenja se i glasi:

O zahtjevu za akademsko priznavanje odlučuje Rektor rješenjem.

Rješenje se donosi u roku od 60 dana računajući od dana podnošenja potpunog zahtjeva.

Na rješenje podnosilac zahtjeva može uložiti prigovor Senatu Univerziteta u roku od 15 dana od dana uručenja rješenja.

Odluka Senata po prigovoru je konačna.

Član 11.

Iza člana 12. dodaje se novi član koji glasi:

„Član 12-a“

„Fotokopiju inostrane obrazovne isprave, fotokopiju prevoda isprave na jednom od službenih jezika u BiH i fotokopiju rješenja o akademskom priznavanju Ured dostavlja resornom Ministarstvu TK u roku od 30 dana od dana donošenja konačnog rješenja“.

Član 12.

Na postupak priznavanja shodno se primjenjuju odredbe Zakona o upravnom postupku u Federaciji BiH, te sve što bliže nije regulisano ovim Pravilnikom, shodno će se primjenjivati odredbe upravnog postupka.

Član 13.

Ovaj Pravilnik stupa na snagu danom donošenja, a primjenjivat će se od akademske 2012./13 godine.

UNIVERZITET U TUZLI
Broj: 03-10890-8.1/12
Tuzla, 12.12.2012

PREDSJEDNIK SENATA

Dr.sc. Enver Halilović, redovni profesor

